

FH GRISCHUNA

Dapli students che l'onn passà

Il nov semester da studi a la Scol'auta spezialisada dal Grischun ha cumenzà. 674 studentas e students èn s'inscrits per in studi da bachelor u da master. Suenten dus onns cun pli paucs students...

La Scol'auta spezialisada dal Grischun porscha las suandantas direcciuns da studi: architectura, inschigneria, turissem e differentas spiertas d'informatica.

CUIRA

Nova pussaivladad d'emprestar velos a Cuira



Es sper la chasa da medias dad RTR è ina staziun d'emprestar velos.

A Cuira datti ussa la pussaivladad d'emprestar velos. Il chantun Grischun ha lantschà ensem cun Pro Velo Grischun ina rait cun 10 staziuns e 60 velos ed e-bikes a Cuira.

Sper il chantun sustegnan er la Scol'auta spezialisada dal Grischun, la Scol'auta da pedagogia dal Grischun, l'Ospital chantunal sco er la citad da Cuira la finanziaziun d'ina staziun da parter velos en la citad.

A Cuira duai il nov sistem vegnir testà per nov mais. Sch'il manaschi da test ha success, duai la rait vegnir extendida ed ulterius staziuns en las aglomeraziuns vegnir integradas en il servetsch permanent, uschia il chantun.

ELECCIUNIS 2023

Gasser en il Cussegl naziunal per Sviz



Josias F. Gasser candidescha en il chantun Sviz per il Cussegl naziunal.

L'interprender ed anterior cusseglier naziunal grischun Josias F. Gasser candidescha en il chantun Sviz per il Cussegl naziunal. Gasser è sin la glista dals verd-liberals (PVL).

LA CIFRA DAL DI

120 alps cun chascharia

datti en il Grischun. Quellas produceschan mingta stad 600 tonnas chaschiel d'alp. Quai scrivan ils Producents svizzers da latg sin lur pagina d'internet.



Privilegi – avair sco president in agen biro.

FOTO CLAUDIA CADRUVI

Maraton da sesidas cun «enorm plaschair»

Martin Candinas sbriga tras la Wandelhalle. El vegn gist dad ina sesida ed en mes'ura cumenza gia la proxima. Il «pli aut Svizzer» ha reservà ina mes'ura per la FMR che less savair tge ch'in president dal Cussegl naziunal traffica atgnamain l'entir di.

CLAUDIA CADRUVI/FMR

6.30 – or da letg

Il pli aut Svizzer leva e sa semta per in lung di. El n'ensolva nagut, el n'ensolva mai. Anc duas emnas cunza sia ultima sessiun sco president dal Cussegl naziunal.

7.30 – duas sesida

Il di da lavur cumenza cun ina sesida che n'ha da far nagut cun l'uffizi. Martin Candinas sto gea era liquidar sia lavur «normala».

Els preparan ina sesida cun il secretari general dal Departament federal per ambient, traffic, energia e comunicaziun (UVEK).

9.45 – biro cun bandiera

Sur la porta-biro paradescha l'inscripziun «president». L'inscripziun è aposta fatga per rumantsch per quest onn presidial.

10.15 – preparar segund'emna

Ensem cun il secretari general sa prepara Martin Candinas sin la segunda emna da sessiun.

12.15 – Uruguai

Il collega dad Uruguai fa visita a Martin Candinas. Sebastián Andujar presidescha la chasa da represchentants dal Uruguai.

Nundumbraivels inscuters cun magnats e magnatas da l'entir mund ha Martin Candinas gi quest onn.

13.00 – maisa sco da perdunanza

Circa ina mes'ura è reservada per in discours secret tranter ils dus presidents dals parlaments.



Inscripziun fatga aposta per l'onn presidial da Martin Candinas.

FOTO CLAUDIA CADRUVI



Martina Candinas cun Sebastián Andujar, president da la chasa da represchentants dal Uruguai.

FOTO PARLAMENT/SOENNET/STIM/COSSLI

in a l'auter. Sulet la dolmetschra è preschenta.

Suenten datti gentar. La FMR dastga dar in tgit en la stanza da mangiar. Per otg persunas èsi mess a maisa cun tuaglia alva sco da perdunanza.

14.15 – bimbimbim

Il sun cler dal scalin dal president tuna tras il Cussegl naziunal. Il margnagnar da var 200 parlamentarar e parlamentarar tschessa.

Martin Candinas na maina betg l'entir suentermezdi il cussegl. El surdat ses scalin al vice-president.

16.00 – represchentants dal Grischun

Ina delegaziun grischuna vul discurer cun Martin Candinas per eruir coschiar problems che lur vischnanca ha cun in uffizi federal.

18.00 – responder e-mails

Il Cussegl naziunal discutescha davart «bajegiar ordaifer la zona da biodiversitad, davart intelligenza cun terminis e viadis.

21.30 – rumantsch

Plaunsieu van a fin las debattas dal gindesdi. Il president sesa puspè a la testa dal Cussegl naziunal.

Tanta preschientscha sco quest onn ha la quarta lingua anc mai gi en Chasa federala. Ed uschia è il rumantsch era stà d'udir uschè savens sco anc mai en las stivas svizzas dals aspectuats da television u da las auditures da radio.

24.00 – ir a tutter?

Sa durmenta Martin Candinas tgisà gia avant u pir suenter mesanotg? Stanchel avunda vegn el en mingta cas ad esser.

Il dis da sessiun èn enorm intensiv. Era las fins d'emna èn occupadas cun terminis e viadis. E lura èsi gea anc cumbat electoral.

Tuttina sinceretscha Martin Candinas l'avantmezdi durant l'inscuter cun la FMR ch'el veglia gnanc anc pensar londervi da dar giu l'entschatta december il presidi.